



UNIVERSITÄTS-  
BIBLIOTHEK  
PADERBORN

## **Das Märterbuch**

**Gierach, Erich**

**Berlin, 1928**

80. (29. Sept.) Erzengel Michael

---

[urn:nbn:de:hbz:466:1-66991](https://nbn-resolving.org/urn:nbn:de:hbz:466:1-66991)

daz wir also werden hail,  
 20850 daz sel und leib werde gail,  
 des helf uns die rain schar  
 die Got hat lieb für war,

darczü die chuniginne chlar  
 die got Jesum Christ gepar!  
 Amenn.

[188<sup>va</sup>]**80. Vonn Sand Michele Erczengel.**

20855 In Walchen leit ein stat er-  
 chant,  
 Sepons ist die selb genant.  
 darinne was ein reicher mann,  
 Garganus was sein nam.  
 nün leit ein perkch pey der  
 stat  
 20860 der den namenn gewonnen hat  
 und haizzet nach *im* Garganus.  
 von geschicht ergie es sus:  
 wann dem selben reichen man  
 ein stier was irr gegann;  
 20865 die verlust müet in sere,  
 er sucht hin, er sucht here,  
 wo er west seinen perkch.  
 nün gie der man anden perkch,  
 und do er auf die hoche cham  
 20870 und des rindes war nam,  
 vil schir cham er dar  
 da er des rindes wart gewar.  
 Daz stünd dort vor einem  
 hol.  
 er sprach: 'dein gen ich dir  
 gelten sol,'  
 20875 und schoz einenn pheil dar  
 und wolt durch in schiezzen  
 gar.

doch für der pheil wider dann  
 und für in denn reichen mann.  
 und do der mann wünt wart,  
 20880 mit laid er wider haim chart  
 und gie zü dem pischolf sann;  
 und wie es umb in was ergann,  
 des verricht er in gar.  
 der sprach: 'wizze für war,  
 [188<sup>vb</sup>] ez ist ein geschicht vonn Got.'  
 20886 Der pischolf do der stat ge-  
 pot  
 Got vasten drey tag,  
 daz er mit ettleicher sag  
 und durch sein gütte tete  
 chünt  
 20890 von weu der man were wünt.  
 do die vast ein ende het,  
 sand Michel cham ander stet  
 und sprach zü dem pischolf  
 zehant:  
 'ich Michel pin genant  
 20895 und pin vor Got stetichleich.  
 umb die stat han ich mich  
 auf dem perg an genomenn.  
 nün was Garganus dar chomen  
 und wolt ez da gemailigt  
 haben.

20852. lieb hat B.

80. P 122<sup>va</sup>—124<sup>ra</sup>. Überschrift: V. s. Michell, darnach schwer lesbare Schriftzeichen: wunt? P.

20861. im P, fehlt C.

20873. einē P, einer C.

20878. slüg P.

20879. Daz der P.

20884. Der bischoff P.

20889. tete chünt] verkünt P.

20891. ein fehlt P.

20894. bin Michel P.

20895. stättichleich P, sichtichleich C.

20897. ge nach perg gestrichen C.

- 20900 daz wolt ich im nicht ver-  
tragnen:  
niemant chain frevel da begat,  
wann ich hütten wil der stat.  
des morgens der pischolf zehant  
nach der christenhait sant,  
20905 und daz im was für geleit,  
offenleich er es do sait.  
von der weil und alczehant  
wart der perkch für heilig er-  
chant.  
doch darczü niemand tochte  
20910 der indie gruft gegenn mochte  
die im der engel gemacht het;  
si sprachen hie vor ir gepet.  
Nün hüß sich andenn czeitten  
ein vil grozzes streitenn.  
[189<sup>ra</sup>] aus zwain stetenn her cham:  
20916 Bonevent ist ir nam  
und darczü Neapolis.  
die zwo stet, als ichs līs,  
die riten auf die ainenn stat  
20920 Sepont. darumb der pischolf pat  
daz in Got scholde wegenn  
und ir von denn haiden  
phlegen,  
und der pischolf hin zü Got  
drey tag vastenn gepot.  
20925 nün sach der pischolf aber sa  
indem trawm alda  
sand Michel zü im gann  
und sichtichleich vor im stann;  
und sprach: 'ich han den streit  
mich an genomen.
- 20930 die haiden müezzen in not  
chomen,  
der müz vil tod geligenn.  
ich wil denn christen helfen  
sigen.  
morgen umb die nonn czeit  
so seit perait andenn streit!  
20935 Mit der red schied er dann.  
der pischolf sagen begann  
daz der engel gepoten het.  
die purger ander stet  
peraitten sich andenn streit  
20940 und hueben den nach der czeit  
und der engel hette gesait.  
nün hüß sich ein weter prait  
und gar ungehewer  
[189<sup>rb</sup>] von stainen und von fower.  
20945 daz tet den haiden also we  
daz sy peliben da nicht me  
und fluhen palde dann.  
doch slüg daz weter manigen  
man;  
die christen taten auch sam,  
20950 si warn in von herzen gram.  
doch die haiden die hin  
chomen,  
do sy die geschicht vernomenn  
das der engel mit seiner wer  
hiet erslagen auch ir her,  
20955 erchanter lewt sechs hündert  
man,  
die liezzen sich tauffen do  
sann.  
Die christen von Seponte do

20910. de C. gen P.  
20911. der P, die C.  
20913. Nün] Vnd CP.  
20916. Nach der Leg. awr. ziehen die von  
Neapel gegen die Städte Sypontus und Bene-  
ventum.  
20922. vor P.  
20928. sichtichlichen P.

20929. dez stricz P.  
20937. enboten P.  
20941. Alz P.  
20949. alsam P.  
20953. Daz si P.  
20954. geslagen uz ir P.  
20956. do fehlt P.

- warn irs siges fro.  
 irer gab sy nicht verdroz,  
 20960 si machten ein oppher groz  
 sand Michel czü ernn.  
 und do sy begünden chernn  
 hin gen der stain want,  
 secht wo man tritt erchant  
 20965 die sant Michel getreten het  
 indie stain ander stet!  
 davon glaubtens dester pas  
 daz Michahel dis gruft besas  
 und hiet die zaichen da ver-  
 lann;  
 20970 des frewt sich weib und mann.  
 do das alles geschach,  
 die lew̄t zweivelten darnach  
 [189<sup>va</sup>] ob man darin solte gann  
 oder lenger hie vor stann.  
 20975 doch ein chirchen macht man  
 sa  
 vil chostleich nahen da  
 und weichtens in sant Peters  
 ere.  
 Darnach der pischolf here  
 für darumb hincz Rom.  
 20980 und do er für dem pabst cham,  
 er leit im für dis geschicht:  
 und chünd er sich versinnen  
 icht,  
 ob er die gruft weichen solde,  
 ob daz der engel dolde.  
 20985 do er den pabst des gefragt  
 und im die mer gesagt,  
 do sprach er: 'aller der rat  
 nür an Got selber stat;  
 an mir der rat nicht enstat.  
 20990 laz unser gepet suchen rat,  
 daz uns chünde Jesus Christ  
 was sein wille daran ist.'  
 ein vasten man aber gepot  
 drey tag hincz Got.  
 20995 Davon cham der engel dar  
 und sait dem pischolf für war  
 und selichleich im riet:  
 waz er geweicht hiet,  
 des dorft *er* nicht weichen  
 mer.  
 21000 die *chirchen* die auch er  
 selb hiet gemacht alda,  
 die hiet *er auch* geweicht alda.  
 [189<sup>vb</sup>] doch er daz wolde,  
 daz daz volkeh genn scholde  
 21005 wol darin durch gepet  
 und loben Got ander stet.  
 des wolt er selb phleger sein,  
 er wolt es mit im furen hin  
 für den chunig, ir gepet,  
 21010 und daz sy wurden ander stet  
 erhört, daz wolt er fügen in;  
 wan er wolt da wirt sin.  
 er sprach: 'ich wil dich lazzen  
 sehen,  
 dastu morgen müst jehenn  
 21015 daz ich die stat geweicht hann.  
 du scholt daz ampt da begann  
 morgen nach deiner zeit:  
 so sichstu wol widerstreit  
 daz ich selbe da pin

20958. Wann C.

20969. het P, hat C.

20973. darin P, darnach C.

20974. hie P, hin C.

20977. Weichez P.

20981. diez P.

20982. versinnet C. nicht P.

20987. der fehlt P.

20988. Nü wann an g. selb P.

20997. er im P.

20999. Daz P. er P, fehlt C.

21000. kirchen P, christū C.

21002. geweicht weicht, *das erste* weicht  
gestrichen C. er auch P, fehlt C. ysa P.

21006. lobtū C(P).

21008. fuřm C.

- 21020 und wil zetrost *ew* da sin.  
 Der pischolf cham auch *nü*  
 des morgens zü dem ampt frü  
 und mit im die stat gar.  
 der perkch wart vol her und  
 dar.
- 21025 do man des amptes begünde,  
 man sach ander stünde  
 ein capell die was enpor;  
 stieg die gängen zü dem tor.  
 nun was der alter gechlait
- 21030 mit purper und mit reichait.  
 si het winkhel her und dar  
 [190<sup>ra</sup>] geworcht von den engeln gar.  
 si was nicht nach menschen sit  
 geprueft sam sy pey unsrer  
 zeit
- 21035 sind; also was ir nicht.  
 die chlaus het grozzes liecht  
 und was doch nicht vil ho;  
 daz sahen alle lewte do.  
 do das ampt ende het,
- 21040 die lewt haim ander stet  
 mit grozzen frewden gängenn;  
 gütte werch sy do begängenn.
- doch der pischolf darnach,  
 do er die heilichait ersach,  
 21045 er stiftet zü der chürchen sa  
 priester die Got dñten da.  
 doch pey der nacht *chain* mann  
 getorst darin nicht gegann.  
 die chirche wirt selbe verspart,  
 21050 so der tag sich verchart.  
 Inder chapell ist auch ein  
 stain  
 da suezzes wazzer vil rain  
 aus get gar sälichleich  
 und czenücze wunnichleich.
- 21055 davon manig siech gesünt  
 wirt davon ander stünt.  
 daz uns des wazzers werd ge-  
 geben,  
 daz wir leib und leben  
 mit im rain gemachenn,  
 21060 und wir mit suezzenn sachenn  
 [190<sup>rb</sup>] verdienenn daz daz unser sel  
 enphach der engel Michahel,  
 des verleich uns Jesus Christ,  
 der aller dñg ein scheppher ist!  
 Amenn.

[191<sup>ra</sup>]

## 81. Vonn Sand Jeronimo.

- 21065 Von Dalmacia Eusebius  
 het einen sün hiez Jeronimus,  
 den er zü schül lie.  
 daz chind solich sinn gevie,  
 daz *an* chunst sein geleich
- 21070 niemand lebt auf ertreich.  
 sein maister was gehaizzen  
 Donat  
 ze Rom inder stat.  
 haidnische pücher er auch las.

21020. *eŵ* P, fehlt C.21021. *nü* P, *nün* C.21028. *die* fehlt P.21032. *engl* C.21035. *Nach Sind Punkt in C.*21045. *Stift zü* P.21047. *dhain* P, *da* C.21048. *Getarr* P. *gän* P.21052. *suezzens* C.21053. *gar* fehlt P.21064. *ein* fehlt P. *Amenn* fehlt P.81. B 213<sup>ra</sup> — 214<sup>rb</sup>. *Überschrift: V. s.*

Jeronimus lerar B.

21068. *sulhe sinne* B.21069. *an* B, *so auf* C.21071. *gehaizzen* fehlt B.21073. *püch* B (*oder puech*) *meist*.